

31 հուլիսի 2018թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱՔԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 379030/01

ՎԱՐՉԱԿԱՆ ՎԱՐՈՒՅԹԸ ՎԵՐՍԿՍԵԼՈՒ ԵՎ
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՎԵՐԱՔԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, քննելով վարչական
իրավախախտման վերաբերյալ թիվ 17047 գործը և ուսումնասիրելով վարչական իրավախախտման
վերաբերյալ 31.07.2018թ. թիվ _____ արձանագրությունը և կից նյութերը,

ՊԱՐԶԵՑԻ

«ՊՐՈՐԵՆՏԱԼ» ՍՊԸ-ի տնօրեն՝ Գրիգոր Գասպարյանը (ՀՎՀՀ՝ 00154319, հասցե՝ ք. Երևան
Ադոնցի փ. 8 9) ՀՀ հարկային օրենսգրքի 156-րդ հոդվածի համաձայն՝ օրենքով սահմանված
ժամկետում հարկային մարմին չի ներկայացրել 2018թ. մարտ ամսվա եկամտային հարկի և
սոցիալական վճարի ամսական հաշվարկը, ինչպես նաև ՀՀ հարկային օրենսգրքի 75-րդ
հոդվածով սահմանված ժամկետում հարկային մարմին չի ներկայացրել 2018թ. մարտ ամսվա
ավելացված արժեքի հարկի և ակցիզային հարկի միասնական հաշվարկը: Նշված արարքները
նախատեսված է վարչական իրավախախտումների վերաբերյալ Հայաստանի Հանրապետության
օրենսգրքի 169¹ հոդվածի 2-րդ մասով, որի կապակցությամբ հարուցվել է վարչական վարույթ:

Վարչական վարույթի շրջանակներում Գրիգոր Գասպարյանին հասցեագրվել է ծանուցագիր՝
վարչական իրավախախտման վերաբերյալ արձանագրության կազմմանը և գործի քննությանը
մասնակցելու վերաբերյալ: Նկատի ունենալով, որ ծանուցագիրը ստանալու փաստը հավաստող
ապացույց առկա չէ՝ ՀՀ ՊԵԿ իրավաբանական վարչության պետի կողմից 15.06.2018 թվականին
կայացվել է վարչական վարույթը կասեցնելու մասին որոշում՝ Վարչարարության հիմունքների և
վարչական վարույթի մասին ՀՀ օրենքի 49-րդ հոդվածի 1-ին մասի «գ» կետի համաձայն:

Գրիգոր Գասպարյանը՝ պատշաճ ծանուցված լինելով, չի ներկայացրել վարչական վարույթին,
առարկություններ և բացատրություններ չի ներկայացրել: Գործի քննության ընթացքում հայտնի է
դարձել, որ Գրիգոր Գասպարյանը օրենքով սահմանված ժամկետում չի ներկայացրել նաև 2018թ.
ապրիլ և մայիս ամիսների եկամտային հարկի և սոցիալական վճարի ամսական հաշվարկը,
ինչպես նաև վերջին մեկ տարվա ընթացքում կատարել է իրավախախտում, որի համար
ենթարկվել է վարչական տույժի (19.02.2018 թ-ի թիվ 361537/01 որոշում), ինչը սույն գործով
դիտվում է, որպես պատասխանատվությունը ծանրացնող հանգամանք:

Ելնելով վերոգրյալից և ղեկավարվելով վարչական իրավախախտումների վերաբերյալ ՀՀ
օրենսգրքի 32-րդ հոդվածի 2-րդ մասով, 34, 244¹, 281 հոդվածներով և 282 հոդվածի 1-ին մասի

1-ին կետով՝ վարչարարության հիմունքների և վարչական վարույթի մասին ՀՀ օրենքի 49-րդ հոդվածի 3-րդ մասով՝

ՈՐՈՇԵՑԻ

1. Գրիգոր Գասպարյանի վերաբերյալ հարուցված թիվ _____ վարչական վարույթը վերսկսել:
2. Գրիգոր Գասպարյանի նկատմամբ կիրառել վարչական տույժ, նշանակել տուգանք՝ 20.000 (քսան հազար) դրամի չափով:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Handwritten signature



Ա.ՄԱՅԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝
վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը
չկատարելու համար նշանակվել էր վարչական տույժ (հոդված 40)
վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելուց հետո երեսուն օրվա
ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու
համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ
որոշումը կարող է բողոքարկվել ՀՀ վարչական դատարան՝ երկամսյա ժամկետում:
Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա
ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին
ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվհեմարաններին.
900005240487՝ տուգանքի 70%, 900013000246՝ տուգանքի 30% վճարման անդորրագրի <<նպատակ>> դաշտում
պարտադիր նշելով որոշման համարը:
Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը
բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է
բռնագանձման օրենսդրությամբ սահմանված կարգով:
Մասնակցեցի գործի քննությանը, որոշման վերաբերյալ առարկություններ չունեմ:

Ստացա որոշման պատճենը _____